



Cov Lus Nug Uas Nquag Nug (Frequently Asked Questions, FAQs) txog Tshuaj Txhaj Tiv Thaiv Tus Kab Mob Khaus Viv-19 (COVID-19) rau Cov Neeg 5-11 Xyoos *(Hloov kho dua tshiab 11-03-2021)*

Q: Yam tshuaj txhaj tiv thaiv kab mob twg uas tau txais kev tso cai rau cov neeg hnuv nyoog 5 txog 11 xyoos?

Tshuaj txhaj tiv thaiv Tus Kab Mob Khaus Viv-19 (COVID-19) hom Pfizer rau me nyuam yaus twb tau txais kev tso cai rau cov me nyuam hluas uas hnuv nyoog 5 txog 11 xyoos lawm.

Q: Hom tshuaj txhaj rau me nyuam yaus ntawd puas yog xuv tshuaj uas txhaj ob koob?

Tau. Koob tshuaj txhaj tiv thaiv kab mob rau me nyuam yaus yuav tsum tau txhaj ua xuv tshuaj ob koob, sib kem li 3 lub lim piam.

Q: Koob tshuaj txhaj tiv thaiv kab mob hom Pfizer rau me nyuam yaus thiab rau cov laus sib txawv li cas?

Koob tshuaj txhaj rau me nyuam yaus yog 1/3 (ib feem peb) ntawm koob tshuaj txhaj rau cov neeg hnuv nyoog 12 xyoos thiab laus dua ntawd. Koob tshuaj txhaj rau cov neeg hnuv nyoog 12 xyoos thiab laus dua ntawd yog 3 micrograms ntawm tus tshuaj txhaj tiv thaiv kab mob. Koob tshuaj txhaj rau me nyuam yaus yog 10 micrograms.

Qhov sib txawv ntawm koob tshuaj txhaj tiv thaiv Tus Kab Mob Khaus Viv-19 (COVID-19) hom Pfizer rau cov laus thiab rau me nyuam yaus		
	Hnuv nyoog 12 xyoos thiab siab dua ntawd	Hnuv nyoog 5 xyoos txog rau <12
Kob ntawm lub hau khwb lub taub	Kob paj yeeb doog	Kob daj kua taub
Qhov ntau ntawm koob tshuaj	30 micrograms	10 micrograms
Cov koob tshuaj tauj taub tshuaj tom qab tod kom txhob daw	6	10

Q: Hom tshuaj tod los rau cov neeg laus puas tuaj yeem muab siv rau cov me nyuam yaus hnuv nyoog 5-12 xyoos tau?

Tsis tau. Cov kws muab kev saib xyuas kho mob yuav tsum siv hom tshuaj tod los rau cov me nyuam yaus hnuv nyoog 5-12 xyoos nkaus xwb. Hom tshuaj txhaj tiv thaiv kab

mob rau me nyuam yaus kuj tseem muaj los nrog cov khoom siv ntxiv rau hom me nyuam yaus thiab.

Q: Cov me nyuam yaus yuav tau txais tshuaj txhaj tiv thaiv kab mob nyob rau qhov twg?

Txoj kev qee tshuaj txhaj tiv thaiv kab mob hom Pfizer rau me nyuam yaus xub thawj ntawm lub xeev tau pib muab tuaj rau lub xeev Oregon nyob rau lub lim piam no lawm thiab yuav muab tuaj txuas ntxiv mus. Nyob rau ob peb lim piam tom ntej no, cov khw muag tshuaj, tsoom fwm cov chaw saib xyuas kev noj qab haus huv uas tau txais kev pom zoo (federally qualified health centers), cov chaw hauj lwm ntawm kws kho mob, thiab cov chaw kuaj mob txhaj tshuaj tiv thaiv Tus Kab Mob Khaus Viv-19 (COVID-19) tshwj xeeb yuav npaj los txhaj tshuaj tiv thaiv kab mob rau cov me nyuam yaus. Hu rau koj tus kws muab kev saib xyuas kho mob los sis siv Lub Cuab Yeej Txhaj Tshuaj Tiv Thaiv Kab Mob Hauv Xeev Oregon (Get Vaccinated Oregon) [Daim duab qhia chaw pab nrhiav qhov chaw muab kev txhaj tshuaj tiv thaiv kab mob](#) txhawm rau nrhiav tus kws muab kev saib xyuas kho mob nyob ze koj uas muaj cov koob tshuaj txhaj tiv thaiv kab mob hom Pfizer rau me nyuam yaus. Koj kuj tseem tuaj yeem hu rau 211.

Q: Cov khw muag tshuaj puas tuaj yeem txhaj tshuaj tiv thaiv kab mob rau cov me nyuam yaus hnuv nyoog qis dua 12 xyoos?

Tus Thawj Coj Saib Xyuas Txog Fab Kev Noj Qab Haus Huv Rau Pej Xeev tau tawm ib tsab lus txib tias tso cai rau cov kws muab tshuaj hauv xeev Oregon los txhaj cov tshuaj txhaj tiv thaiv Tus Kab Mob Khaus Viv-19 (COVID-19) thiab cov tshuaj txhaj tiv thaiv khuab thuas loj tau, rau cov me nyuam yaus hnuv nyoog qis txog 3 xyoos. (Cov tshuaj tiv thaiv Tus Kab Mob Khaus Viv-19 (COVID-19) tam sim no tau txais kev tso cai los txhaj rau cov me nyuam yaus hnuv nyoog 5 xyoos thiab tshaj ntawd lawm). Cov khw muag tshuaj uas lees txais cov neeg mob ntawm Phiaj Xwm Kev Npaj Rau Fab Kev Noj Qab Haus Huv Hauv Xeev Oregon (Oregon Health Plan, OHP) yuav tau txais kev them nyiaj rov qab los txhaj tshuaj tiv thaiv kab mob rau cov me nyuam yaus hnuv nyoog qis txog 3 xyoos rau kev txhaj tshuaj tiv thaiv kab mob khaub thuas loj thiab qis txog 5 xyoos rau kev txhaj tshuaj tiv thaiv Tus Kab Mob Khaus Viv-19 (COVID-19).

Q: Cov tsos mob tshwm sim nrog uas tau sau teev tseg yog li cas?

Cov tsos mob tshwm sim nrog uas tau sau teev tseg yog zoo tib yam nkaus li rau cov tub ntxhais hluas thiab cov neeg laus: feem ntau qhov chaw txhaj tshuaj yuav mob, sab ib ce tsis muaj zog, mob taub hau, thiab mob cov leeg nqaij. Cov tsos mob tshwm sim uas tsis tshuam muaj xws li kab mob cov leeg plawv voos o ua rau ntoj ntshav tuaj tsis txaus (myocarditis) yuav tsis pom muaj nyob rau cov kev sim tshuaj thiaj li ua rau muaj kev tso cai pom zoo siv, thiab muab xam tias muaj tsawg tshaj plaws li, ib yam nkaus li qhov uas muaj nyob rau cov pab pawg hnuv nyoog ntau dua nov.

Q: Yog muab piv rau koob tshuaj txhaj tiv thaiv khaub thuas loj hais txog qhov kev siv tau hauj lwm zoo lawm nws ho zoo li cas?

Ob hom tshuaj no puav leej siv tau hauj lwm zoo heev nyob rau ntawm txoj kev tiv thaiv cov me nyuam yaus los ntawm txoj kev mob khaub thuas. Tus tshuaj txhaj tiv thaiv Tus Kab Mob Khaus Viv-19 (COVID-19) tau tsim cov kev tawm tsam ntawm cov roj ntsha tiv thaiv kab mob tau yam muaj zog heev thiab raug txheeb pom tias ua hauj lwm tau zoo txog 90.7% ntawm txoj kev tiv thaiv Tus Kab Mob Khaus Viv (COVID) ntawm cov me nyuam yaus hnuv nyoog 5 txog 11 xyoos. Tus tshuaj txhaj tiv thaiv khaub thuas loj hloov pauv txhua xyoo txhawm rau hloov kho kom haum rau txoj kev kiv ncig mus los uas npaj rau cov kab mob vais lav khaub thuas loj. Nws qhov kev ua hauj lwm zoo yog kwv yees li 40% txog 60% nyob rau cov pej xeem neeg thuaj pais. Raws li [Lub Chaw Ua Hauj Lwm Txog Kev Tswj Xyuas thiab Kev Tiv Thaiv Kab Mob \(Centers for Disease Control and Prevention, CDC\)](#), txoj kev kawm tshawb fawb xyoo 2014 tau ua rau pom tau tias koob tshuaj txhaj tiv thaiv khaub thuas loj tuaj yeem txo cov me nyuam yaus txoj kev pheej hmoo uas tau kho hauv feem kho cov tib neeg uas mob hnyav tau txog li 74% raws li ntaub ntawv qhia xyoo 2010-2012. Txoj kev kawm tshawb fawb xyoo 2017 nyob rau txoj kev teev tseg ntawm Cov Kws Kho Me Nyuam Yaus tau qhia rau pom txog txoj kev txhaj tshuaj tiv thaiv khaub thuas loj tau txo txoj kev pheej hmoo ntawm kev tag sim neej uas cuam tshuam txog khaub thuas loj txog li 51% nyob rau cov me nyuam yaus nrog rau cov zwj ceeb fab kev kho mob uas yog qhov hauv paus chiv keeb, thiab muaj kev pheej hmoo siab thiab yuav luag txog li ob feem peb (65 feem pua) nyob rau ntawm cov me nyuam yaus uas muaj zog zis.

Q: Koob tshuaj txhaj tiv thaiv Tus Kab Mob Khaus Viv-19 (COVID-19) cuam tshuam li cas rau cov me nyuam yaus uas muaj cov zwj ceeb mob ua ntej tshwm sim?

Cov kws muab kev saib xyuas kho mob raug txhawb kom los tshuaj ntsuam cov tsham kis fab kev kho mob ua ntu zus tshwj xeeb rau cov me nyuam yaus cov zwj ceeb mob ua ntej tshwm sim xam nrog rau keeb kwv yav tag los ntawm kab mob cov leeg plawv voos o ua rau ntoj ntshav tuaj tsis txaus (myocarditis) los sis kab mob voos os cov khoom ua hauj lwm hauv nrog cev (multisystem) MIS-C. Lub Chaw Ua Hauj Lwm Txog Kev Tswj Xyuas thiab Kev Tiv Thaiv Kab Mob (Centers for Disease Control and Prevention, CDC) cov kev txheeb xam hais txog txoj kev siv txoj kev txhaj tshuaj tiv thaiv kab mob nyob rau pab pawg tuaj yeem nrhiav pom tau nyob rau ntawm [no](#).

Q: Puas muaj cov tsos mob tshwm sim nrog ncuu sij hawm ntev ntawm txoj kev txhaj tshuaj tiv thaiv kab mob?

Cov ntaub ntawv los ntawm txoj kev txhaj tshuaj tiv thaiv kab mob ntawm cov tub ntxhais hluas tsis tau ua rau pom tias muaj qhov kev pheej hmoo ntau heev ntawm cov tsos mob tshwm sim nrog ncuu sij hawm ntev. Yuav luag txhua cov tsos mob tshwm sim nrog los ntawm cov tshuaj txhaj tiv thaiv kab mob tsuas tshwm sim nyob rau hauv ob peb hnuv xwb thiab ntau tshaj plaws yog rau lub lim piam tom qab txoj kev txhaj tshuaj tiv thaiv kab mob. Tsis muaj ib tug me nyuam yaus twg uas muaj tus mob cov leeg plawv voos o ua rau ntoj ntshav tuaj tsis txaus (myocarditis) tag sim neej los ntawm cov tsos mob tshwm sim nrog uas pom muaj tshawg tshaj plaws no.

Q: Txoj kev tau txais kev tso cai pom zoo rau xwm txheej ceev txhais tau li cas yog muab piv rau kev tau txais kev pom zoo los ntawm Lub Chaw Tswj Xyuas Khoom Noj thiab Tshuaj (Food and Drug Administration, FDA)?

Txoj kev tso cai pom zoo rau xwm txheej ceev yog ib qhov txheej txheem kev lis dej num los ntawm yam uas Lub Chaw Tswj Xyuas Khoom Noj thiab Tshuaj (Food and Drug Administration, FDA) tuaj yeem tsim cov hauv kev npaj tos los sis lwm cov kev kho uas muaj siv tau ceev dua qub yog muab piv rau qhov txheej txheem kev lis dej num li ib txwv lawm txhawm rau lub hom phiaj ntawm kev lees teb rau qhov xwm txheej kub ntxhov ceev txog rau kev noj qab haus huv ntawm pej xeem. Fab tshuab ua hauj lwm no raug siv txij li xyoo 2001 nrog rau txoj kev tso cai ntawm tshuaj txhaj tiv thaiv kab mob Anthrax.

Q: Vim li cas koj ho yuav tsum tau pheej hmoo txhaj tshuaj tiv thaiv kab mob rau kuv tus me nyuam rau qhov yeej paub tias kev tshwm sim ntawm Tus Kab Mob Khaus Viv (COVID) rau me nyuam yaus qis heev li?

Tus Kab Mob Khaus Viv (COVID) tau rais mus ua ib qho ntawm kaum qhov kev chiv keeb ua rau me nyuam yaus tag sim neej taus. Cov tshuaj txhaj tiv thaiv kab mob yuav pov thaiv koj cov me nyuam kom tsis txhob muaj kev mob khaub thuas hnyav, kev pw kho hauv tsev kho mob thiab kev ploj tuag los ntawm Tus Kab Mob Khaus Viv-19 (COVID-19). Nyob rau hauv Teb Chaws Mes Kas txij li Lub Kaum Hli Ntuj 17, 2021, 1.9 sawm (lab) leej mob Tus Kab Mob Khaus Viv-19 (COVID-19), 8,300 mob hnyav pw kho hauv tsev kho mob, 2,316 leej Mob Voos O Rau Ntau Cov Khoom Nrog Cev ntawm Cov Me Nyuam Yaus (Multisystem Inflammatory Syndrome in Children, MIS-C), thiab 94 leej tag sim neeg rau Tus Kab Mob Khaus Viv-19 (COVID-19) uas muaj kev tshaj qhia tias yog cov me nyuam yaus uas hnuv nyoog 5 txog 11 xyoos. Nyob rau hauv xeev Oregon nyob rau ntawm Lub Kaum Hli Ntuj 31, 2021, muaj 26,370 leej mob Tus Kab Mob Khaus Viv-19 (COVID-19), 240 leej pw kho hauv tsev kho mob, thiab 2 leeg tag sim neej raws li tau tshaj qhia

Q: Muaj pes tsawg leej me nyuam yaus 5-11 xyoos tau koom nrog hauv qhov kev sim tshuaj?

Lub Chaw Ua Hauj Lwm Txog Kev Tswj Xyuas thiab Kev Tiv Thaiv Kab Mob (Centers for Disease Control and Prevention, CDC) tshaj qhia tias txoj kev nyab xeeb ntawm tshuaj txhaj tiv thaiv Tus Kab Mob Khaus Viv-19 (COVID-19) hom Pfizer rau cov me nyuam yaus tau raug kawm tshawb fawb khwv yees li 3,100 leej me nyuam yaus uas hnuv nyoog 5 txog 11 xyoos, thiab tsis muaj tus muaj cov tsos mob tshwm sim nrog hnyav uas cuam tshuam txog tshuaj txhaj tiv thaiv kab mob li nyob rau txoj kev tshawb thaum ua qhov kev kawm tshawb fawb. Los txog tam sim no nyob rau hauv Teb Chaws Mes Kas, ze li 57% ntawm cov me nyuam hluas hnuv nyoog 12-15 xyoos thiab 64% ntawm cov neeg hnuv nyoog 16-17 xyoo tau txais kev txhaj tshuaj tiv thaiv kab mob lawm uas koom nrog tshuaj txhaj tiv thaiv Tus Kab Mob Khaus Viv-19 (COVID-19) hom Pfizer rau cov neeg laus.

Q: Dab tsi yog qhov kev pheej hmoo ntawm tshuaj txhaj tiv thaiv kab mob uas cuam tshuam nrog tus mob cov leeg plawv voos o ua rau ntoj ntshav tuaj tsis txaus (myocarditis) nyob rau cov neeg 5-11 xyoos?

Qhov kev pheej hmoo ntawm tus mob cov leeg plawv voos o ua rau ntoj ntshav tuaj tsis txaus (myocarditis) uas cuam tshuam los ntawm tshuaj txhaj tiv thaiv kab mob nyob rau hauv pab pawg hnuv nyoog no yog muaj qis dua qhov kev pheej hmoo uas tau teev tseg ntawm pab pawg hnuv nyoog laus dua. Pab pawg uas muaj kev pheej hmoo siab tshaj plaws ntawm tus mob cov leeg plawv voos o ua rau ntoj ntshav tuaj tsis txaus (myocarditis) uas cuam tshuam los ntawm tshuaj txhaj tiv thaiv kab mob yog los ntawm koob tshuaj thib ob nyob rau cov txiv neej hnuv nyoog 16-17 xyoo, uas yog muaj txog li 1 leeg ntawm txhua 14,500 leej. Qhov kev pheej hmoo muaj qis dua rau cov txiv neej uas yog lub pawg hnuv nyoog, thiab haj yam qis tuaj ntxiv rau cov poj niam ntawm lwm pawg hnuv nyoog. Qhov kev pheej hmoo ntawm txoj kev tau txais tus mob cov leeg plawv voos o ua rau ntoj ntshav tuaj tsis txaus (myocarditis) los ntawm txoj kev kis Tus Kab Mob Khaus Viv-19 (COVID-19) tseem siab dua qhov no ntau npaug heev.

Q: Kuv tus me nyuam puas yuav tsum tau txhaj tshuaj tiv thaiv kab mob yog tias lawv twb tau kis Tus Kab Mob Khaus Viv-19 (COVID-19) lawm?

Tau. Lub zog tiv thaiv kab mob hauv nrog cev raws li ib txwm muaj los muab qee cov kev tiv thaiv tau tab sis tsis yog txhij txhua, thiab tseem rov muaj kev sib kis kab mob los ntawm Tus Kab Mob Khaus Viv (COVID) tau mus ntxiv nyob rau pab pawg hnuv nyoog no tab txawm cov me nyuam coob dua ntau heev uas tau kis tus kab mob yav tag los lawm los xij; cov tshuaj txhaj tiv thaiv Tus Kab Mob Khaus Viv-19 (COVID-19) tseem muab cov tiv thaiv tau ntxiv yam muaj pov thawj rau pom tau.

Q: Kuv tus me nyuam puas tuaj yeem txais tshuaj txhaj tiv thaiv khaub thuas loj thiab tshuaj txhaj tiv thaiv Tus Kab Mob Khaus Viv (COVID) nyob rau tib lub sij hawm tau?

Tau. Txoj kev txhaj tshuaj tiv thaiv kab mob tawm tsam ob hom kab mob no tseem ceeb heev, thiab txoj kev muab cov tshuaj txhaj tiv thaiv kab mob ua ke tib zaug ntawd feem ntau lawm yuav tsis muaj cov tsos mob tshwm sim nrog ntau ntxiv tuaj los sis yuav tsis muaj roj ntsha tiv thaiv tsawg tuaj.

Q: Puas muaj cov kev tshwm sim nrog ncuaj sij hawm ntev rau cov me nyuam yaus uas txhaj tshuaj tiv thaiv kab mob? Cov tshuaj txhaj tiv thaiv kab mob puas hloov pauv DNA los sis muaj teeb meem rau cov khoom nruab nroog tsim noob neej tau?

Cov tshuaj txhaj tiv thaiv kab mob yuav tsis cuam tshuam rau DNA li. Ntaub ntawv nyob rau ntawm txoj kev txhaj tshuaj tiv thaiv Tus Kab Mob Khaus Viv-19 (COVID-19) ntawm coob leej poj niam, muaj xam nrog rau cov poj niam cev xeeb me nyuam, yuav tsis pom muaj teeb meem cuam tshuam rau txoj kev ua kom xeeb taus me nyuam los sis rau ntawm qhov yuav nchuav me nyuam.

Q: Tshuaj txhaj tiv thaiv kab mob rau me nyuam yaus puas tau npaj txhij muaj siv tau?

Xeev Oregon tau npaj tseg los muaj tshuaj txhaj tiv thaiv kab mob kom txaus los txhawb roj ntsha tiv thaiv kab mob rau cov neeg 5 txog 11 xyoos ntawm lub xeev. Cov tshuaj txhaj tiv thaiv kab mob rau me nyuam yaus yuav tuaj txog ua ntau zeeg, thawj

zeeg tuaj txog Xuv. 1 yuav nyob rau tsoom fwm lub chaw saib xyuas kev noj qab haus huv uas tau txais kev pom zoo (federally qualified health centers), cov oos kas saib xyuas kev noj qab haus huv rau pej xeem hauv lub zej zos (local public health authorities) thiab cov khw muag tshuaj. Peb tseem tab tom tswj xyuas cov kev qee uas peb tau txais los ntawm tsoom fwm teb chaws txhawm rau xyuas kom paub tseeb tias seb cov kws muab kev saib xyuas kho mob puas tau txais ntau txaus raws li xav tau los muab cov koob thib ib thiab thib ob rau lawv cov neeg mob.

Q: Cov tsev kawm ntawv puas yuav tsum tseev kom cov tub ntxhais kawm los txhaj tshuaj tiv thaiv kab mob/muaj txoj kev zam tawm tsam Tus Kab Mob Khaus Viv-19 (COVID-19)? Ho thaum twg nws thiaj yuav tau txais kev tso cai pom zoo yav puv npo?

Txoj kev tseev kom yuav tsum txaj tshuaj tiv thaiv Tus Kab Mob Khaus Viv-19 (COVID-19) rau cov tub ntxhais kawm yog nyob rau ntawm txoj kev txiav txim siab ntawm pab pawg tswj xyuas tsev kawm ntawv txum nyob rau ib cheeb tsam hauv lub zej zos, txawv los ntawm yam uas Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) tau tseev kom ua los sis muab lus qhia kom ua thoob plaws lub xeev.

Q: Cov kws kho mob me nyuam yaus puas yuav muaj qhov tshuaj txhaj tiv thaiv kab mob?

Muaj, peb koom nrog rau cov kws kho mob me nyuam yaus yam rau siab ntso thiab ntau leej, yog tias tsis muaj ntau, yuav muaj tshuaj txhaj tiv thaiv kab mob uas siv tau, zoo ntxim li yuav pib tau nyob rau lub lim piam ntawm Lub Kaum Ib Hlis 8.

Q: Cov khw muag tshuaj puas yuav muaj peev xwm txhaj tshuaj tiv thaiv kab mob tau rau pab pawg hnuv nyoog no?

Tam sim no cov khw muag tshuaj los yeej tuaj yeem txhaj tshuaj ra cov me nyuam yaus uas hnuv nyoog 3 xyoos thiab tshaj ntawd rau hom tshuaj txhaj tiv thaiv khaub thuas loj thiab hnuv nyoog 5 xyoos thiab tshaj ntawd rau hom tshuaj txhaj tiv thaiv Tus Kab Mob Khaus Viv-19 (COVID-19). Lub Cuab Yeej Txhaj Tshuaj Tiv Thaiv Kab Mob Hauv Xeev Oregon (Get Vaccinated Oregon, GVO) daim duab qhia chaw [Pab Nrhiav Qhov Chaw Muab Kev Txhaj Tshuaj Tiv Thaiv Kab Mob](#) suav xam nrog rau cov khw muag tshuaj uas muaj cov koob tshuaj txhaj tiv thaiv kab mob rau me nyuam yaus (cov koob tshuaj rau cov neeg laus ntawm cov pab cpawg hnuv nyoog 12 thiab siab dua yuav tsis tuaj yeem muab siv rau cov me nyuam yaus hnuv nyoog qis dua 12 xyoos tau). Koj yuav tuaj yeem los tshawb nrhiav tshuaj txhaj tiv thaiv kab mob hom Pfizer rau me nyuam yaus nyob rau ntawm daim phiav lim cais (filters pane) nyob rau ntawm Lub Cuab Yeej Txhaj Tshuaj Tiv Thaiv Kab Mob Hauv Xeev Oregon (Get Vaccinated Oregon, GVO) hauv tshooj lus 'Hom Tshuaj Txhaj Tiv Thaiv Kab Mob'.

Q: Peb puas yuav paub tau yog tias yuav tsum tau muaj koob tshuaj txhawb rau cov neeg 5 txog 11 xyoos?

Tsis tau yog nyob rau lub sij hawm no. Lub Chaw Ua Hauj Lwm Txog Kev Tswj Xyuas thiab Kev Tiv Thaiv Kab Mob (Centers for Disease Control and Prevention, CDC) yuav txheeb saib cov ntaub ntawv mus txhuas ntxiv rau thaum uas cov ntawd muaj siv tau.

Q: Niam txiv/tus neeg saib xyuas puas yuav tsum tuaj nrog los sis lwm tus neeg laus (hais txog tus kws tij nus muag uas hnuv nyoog 18 xyoo los sis pog yawg) puas tuaj yeem tuaj ua luag rau tus me nyuam tsis tau nto hnuv nyoog tau?

Nyob rau hauv xeev Oregon, cov me nyuam yaus uas hnuv nyoog siab dua 15 xyoo raug tso cai kom muab daim ntawv pom zoo rau cov kev pab cuam fab kev kuaj mob. Cov me nyuam yaus uas hnuv nyoog qis dua nov yuav tsheev kom muaj daim ntawv pom zoo ntawm niam txiv los sis tus neeg saib xyuas.

Q: Cov kev hloov pauv puas yuav raug tsim rau Cov Tsev Kawm Ntawv Uas Npaj Txhij, Cov Tub Ntxhais Kawm Ntawv Uas Nyab Xeeb?

Cov kev hloov kho tshia yuav raug tsim rau Cov Tsev Kawm Ntawv Uas Npaj Txhij, Cov Tub Ntxhais Kawm Ntawv Uas Nyab Xeeb (Ready School, Safe Learners, RSSL) Ciaj Ciam Ua Hauj Lwm ntawm Txoj Kev Thev Taus raws li Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) cov kev nqis tes ua qhov lus qhia paub thiab cov kev txhawb pab tshiab. Qhov no yog txoj hauj lwm uas yuav lis txhuas ntxiv thiab yog kis uas txhua cov kev hloov pauv yuav cuam tshuam rau cov tub ntxhais kawm thiab cov neeg ua hauj lwm.

Q: Kuv puas tuaj yeem tso kuv tus me nyuam nyob rau hauv chav kawm ntawv "uas tau txais tshuaj txhaj tiv thaiv kab mob"?

Qhov kev xaiv no tsis zoo ntxim li yuav muaj siv tau rau cov niam txiv thiab cov tub ntxhais kawm.

Q: Yuav ua li cas yuav tias kuv tus me nyuam twb yuav hloov mus rau 12 xyoos rau thaum ncuaj sij hawm ntawm koob tshuaj thib ib thiab thib ob?

Nyob rau kis no, xaiv tau ib qho ntawm hom tshuaj txhaj tiv thaiv kab mob rau me nyuam yaus los sis rau neeg laus los yeej tau nyob rau ob koob tib si.

Kev muaj peev xwm nkag cuag tau rau daim ntaub ntawv: Rau cov tib neeg uas muaj kev xiam oob qhab los sis cov tib neeg uas hais tau ib hom lus uas tsis yog Lus As Kiv, Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) muaj peev xwm muab tau cov lus qhia paub sau ua lwm hom ntaub ntawv xws li muab txhais ua lwm hom lus, muab sau ua tus tsiaj ntawv loj, los sis muab sau ua cov ntawv su uas cov neeg tsis pom kev siv tau. Tiv tauj rau Feem Saib Xyuas Hauj Lwm Txog Cov Kev Sib Txuas Lus Ntsig Txog Tus Kab Mob Khaus Viv-19 (COVID-19 Communications Unit) ntawm tus xov tooj 1-971-673-2411, 711 TTY los sis COVID19.LanguageAccess@dhsosha.state.or.us.